

## SOALAN NO. 27

**PEMBERITAHUAN PERTANYAAN DEWAN RAKYAT**

**PERTANYAAN : LISAN**

**DARIPADA : YANG BERHORMAT TUAN ZAIRIL KHIR  
JOHARI [BUKIT BENDERA]**

**TARIKH : 9 OGOS 2017**

**SOALAN :**

**YB Tuan Zairil Khir Johari [Bukit Bendera] minta PERDANA MENTERI menyatakan kos tajaan dan jumlah pelajar biasiswa JPA dan MARA (untuk setiap tahun, mengikut pecahan negara) sehingga sekarang. Apakah langkah Kerajaan untuk membantu pelajar sekiranya peruntukan biasiswa terus dipotong.**

**JAWAPAN: YB DATO' SRI AZALINA BINTI OTHMAN SAID,  
MENTERI DI JABATAN PERDANA MENTERI.**

Tuan Yang di-Pertua,

Untuk makluman Ahli Yang Berhormat, bagi tempoh Januari 2011 hingga Disember 2016, jumlah pelajar yang mendapat penajaan dari JPA dan MARA adalah seramai 418,970 orang, melibatkan peruntukan sebanyak RM13.059 Billion. Perincian tahun penajaan, pecahan negara dan peruntukan adalah seperti berikut:

<b>TAHUN TAJAAN</b>	<b>DALAM NEGARA</b>	<b>LUAR NEGARA</b>	<b>* PERUNTUKAN (RM)</b>
2011	46,862	9,434	2.225 Billion
2012	50,644	8,946	2.207 Billion
2013	72,006	9,830	2.199 Billion
2014	78,335	10,014	2.161 Billion
2015	70,035	8,751	2.157 Billion
2016	46,606	7,507	2.11 Billion
<b>JUMLAH KESELURUHAN</b>	<b>364,488</b>	<b>54,482</b>	<b>13.059 Billion</b>

Untuk makluman Ahli Yang Berhormat, bayaran kepada pelajar-pelajar tajaan sedia ada tetap diteruskan seperti mana termaktub dalam kontrak perjanjian.

Sekian, terima kasih.

## SOALAN ( 28 )

**PEMBERITAHUAN PERTANYAAN  
DEWAN RAKYAT, PARLIMEN MALAYSIA**

PERTANYAAN : LISAN  
TARIKH : 10 OGOS 2017  
[ KHAMIS ]  
DARIPADA : YB DATUK JUSLIE BIN AJIROL  
[LIBARAN]  
SOALAN :

**YB DATUK JUSLIE BIN AJIROL [LIBARAN]** minta **PERDANA MENTERI** menyatakan laporan maklum balas pusingan pertama Pelan Transformasi Nasional 2050 atau TN50 yang dilaksanakan oleh Kerajaan kepada setiap lapisan masyarakat untuk menyumbang citra minda dalam pembinaan Gagasan TN50.

**JAWAPAN :-**

Tuan Yang di-Pertua,

Untuk makluman Ahli Yang Berhormat, Transformasi Nasional 2050 (TN50) telah dilancarkan pada 19 Januari 2017 semasa Sesi Dialog Perdana di Universiti Malaya. TN50 merupakan kesinambungan kepada proses pembangunan tanahair bermula daripada Dasar Ekonomi Baru pada tahun 1971-1990, diikuti dengan Wawasan 2020 pada 1991-2020 dan kini Transformasi Nasional 2050. Proses pengumpulan aspirasi untuk TN50 bagi golongan belia dipertanggungjawabkan kepada Kementerian Belia dan Sukan (KBS) dan Jabatan Perdana Menteri pula mengkoordinasikan input aspirasi golongan selain daripada belia yang dilaksanakan oleh semua kementerian/jabatan/agensi dan pihak-pihak lain yang berkaitan.

Proses pengumpulan aspirasi TN50 ini menggunakan pendekatan *bottom up*. Ini bersesuaian dengan *trend* semasa iaitu segenap lapisan rakyat boleh dan terlibat sama dalam melakar masa hadapan negara melalui aspirasi yang dicadangkan. Secara tidak langsung, rakyat

Malaysia mempunyai tanggungjawab dan peranan yang penting dan bersama-sama Kerajaan mencorakkan masa hadapan negara.

Kerajaan telah melaksanakan pelbagai kaedah dalam memberikan kesedaran kepada rakyat tentang senario dunia pada tahun 2050 seterusnya mengumpulkan aspirasi rakyat bagi membentuk negara bangsa yang maju, mampan dan cemerlang pada tahun 2050. Antaranya dengan mengadakan sesi dialog, perbincangan meja bulat, mesyuarat bersama kumpulan fokus, penyediaan saluran komunikasi melalui media sosial dan sebagainya. Segala input yang diperolehi seterusnya akan didokumenkan sebagai dokumen dasar ke arah Malaysia pada tahun 2050.

Sejumlah 52,000 aspirasi melibatkan 1.4 juta belia telah dikumpul sehingga Jun 2017. Manakala bagi tempoh April 2017 hingga bulan Jun 2017, 8,300 aspirasi telah berjaya dikumpul daripada golongan selain belia melalui sesi libat urus bersama-sama 3,500 individu.

Untuk makluman, lebih banyak aspirasi-aspirasi lain akan diperolehi melalui pelbagai aktiviti TN50 lain yang telah dirancang dan akan dilaksanakan. Semua aspirasi yang diterima daripada rakyat akan

diambil kira dalam menghasilkan visi Transformasi Nasional 2050 yang akan menjadi asas kepada rancangan pembangunan negara akan datang. Bertunjangkan konsep "Oleh Rakyat, Untuk Rakyat", Kerajaan komited untuk memenuhi aspirasi rakyat. Namun, kejayaan TN50 memerlukan sokongan padu dan usaha sama semua.

Sekian, terima kasih.

10 Ogos 2017